

**Yuldasheva Dilshoda Hoshimovna**

**Teacher of the Department of Geography and Basics of Economic  
Knowledge of Kokan State Pedagogical Institute named after Mukimi**

**Yuldasheva Dilshoda Hoshimovna**

**Muqimiy nomidagi Qo‘qon Davlat pedagogika instituti Geografiya va  
iqtisodiy bilim asoslari kafedrasini o‘qituvchisi**

### **YOSHLARNING DEMOGRAFIK FAOLIYATI**

**Annotsiya:** Ushbu maqolada aholining (16 - 29) yoshgacha bo‘lgan guruh vakillarini tashkil etuvchi yoshlarning demografik faoliyatidagi tug‘ilish va uning respublikamizda yosh guruhlari bo‘yicha taqsimlanishi, shuningdek, tug‘ilishga ta‘sir etuvchi omillarni to‘g‘risida fikr va mulohazalar keltirilgan.

**Kalit so‘zlar:** Yoshlar, yosh guruhlari, tug‘ilish, ruzproduktiv mayl, demografik, **demografik faoliyat, ijtimoiy-iqtisodiy . urbanizatsiya, qishloq, shahar.**

### **DEMOGRAPHIC ACTIVITY OF YOUTH**

**Annotation:** This article provides feedback and feedback on the birth in the demographic activities of young people who make up the representatives of the population (16 - 29) under the age group and its distribution by age groups in our republic, as well as on the factors affecting birth.

**Key words:** Youth, age groups, birth, ruzproductive predisposition, demographic, demographic activity, socio-economic . urbanization, rural, urban.

Aholining eng katta ijtimoiy qatlami hisoblangan yoshlarning bugungi kunda jamiyat hayotidagi egallagan o‘rni bevosita mamlakat rivojlanishi va kelajagini belgilaydigan muxim omildir. Ayni vaqtda uning tarkibini sotsial - ijtimoiy strukturasi o‘rganish muxim ahamiyat kasb etadi.

Yoshlarni bunday ijtimoiy holatini faolligini demografik nuqtai – nazardan o‘rganish mavzuning dolzarbligini oshiradi.

**Muammoning o'rganilganlik darajasi.** Aholini 16 dan 29 yoshgacha bo'lgan guruxini tashkil etgan yoshlarni muammolarini hal etish mamlakatimiz rahbari Sh. M. Mirziyoevning asarlari va nutqlarida bildirilayotgan ilmiy nazariy va amaliy fikr mulohazalarida o'z ifodasini topib kelmoqda. O'zbekistonda yosh guruhlarda tug'ilish jarayonlarini o'rgangan olimalaridan biri Bo'rieva M.R yosh guruxlarning demografik jarayonlarini o'rgangan. O'tgan davr mobaynida mamlakatimizda yoshlarni tahlil qilgan qator ilmiy maqolalar yaratildiki, bu yoshlar muammosi sabablarini, uni hal qilish yo'llarini ko'rsatishga ma'lum darajada xissa bo'lib qo'shildi. Olimlar va tadqiqotchilar tomonidan yoshlarga oid davlat siyosatini tahlili va ularni muammosini ijtimoiy falsafiy, pedagogik va psixologik holatlarini o'rganishga juda ko'plab ishlar amalga oshirilganligini alohida e'tirof etish lozim.

Aholini 16 -29 yoshgacha bo'lgan guruxini tashkil etgan yoshlar demografik nuqtai-nazardan etarlicha o'rganilmagan. Ularni demografik jarayonlaridagi ishtirokini, munosabatini tahlil etish, Respublikani demografik rivojlanishi, istiqbolini aniqlab ilmiy asoslashda ahamiyatlidir.

Tug'ilish bu - biologik jarayon, u insonlarning reproduktiv mayli, ya'ni farzand ko'rishga bo'lgan munosabati bilan bog'liqdir. Reproductive mayl-esa inson yashayotgan ijtimoiy iqtisodiy muhit ta'sirida o'zgarib boradi. Insoniyat o'z tarixiy taraqqiyoti davomida bir nechta ijtimoiyi- iqtisodiy bosqichlarni bosib o'tgan va bu tugilish darajasi jamiyat taraqqiyotining hamma bosqichlarida ham bir xil bo'lmagan. Tug'ilishning yosh guruhlari bo'yicha koeffitsiyenti - har 1000 ta ma'lum yosh guruhidagi (15-19, 20-24, 25-29, 30-34, 35-39, 40-44, 45-49) ayollarga nisbatan tug'ilgan bolalar sonidir, biz aynan shu guruhlarda yoshlar guruhiga mansub bo'lgan aholi qatlami ya'ni 16-29 yoshgacha mansub bo'lgan ayollarning viloyatda aholi takror barpo bo'lishiga qo'shgan hissasini ko'rib chiqamiz.

O`rganilgan ma`lumotlarga ko`ra, Respublikada 2022-yilning yanvar-iyun oylarida tug`ilgan chaqaloqlar onasining yoshi bo`yicha 37,9 % chaqaloqlarni onasining yoshi -25 yoshgacha, 61,1 % ining onasi esa, 25-39 yoshlarga bu esa o`z navbatida 1,0 % chaqaloqlarning onasi 40 yosh va undan katta yoshdagilardan iborat bo`lgan.

Yuqoridagi ma`lumotdan ko`rinib turibdiki, Respublikada tug`ilgan bolalarning asosiy qismi nisbatan yosh ayollarga to`g`ri keladi. Bu holat so`nggi-yillarda yanada barqarorlashdi.

Yoshlarning demografik faoliyatidan biri - tug`ilish hisoblanib, unga ta`sir etuvchi omillarni quyidagicha ta`riflash mumkin:

- Mamlakatning ijtimoiy-iqtisodiy rivojlanganligi, aholi turmush darajasi. Agar mamlakatda iqtisodiyot rivojlangan bo`lsa, texnika va texnologiya taraqqiy etadi, aholi turmush darajasi ko`tarilgan sari aholining farzand ko`rishga bo`lgan munosabati ham o`zgarib boradi, ya`ni aholining savodxonligi, texnika texnologiya, fan qirallari ochilgan sari tug`ilish kamayib boradi.

- Ayollarda ijtimoiy ishlab chiqarishda bandligi. Ayollar ijtimoiy ishlab chiqarishda qanchalik ko`p band bo`lsa, tug`ilish shuncha kamayadi. Aksincha, ayollar bandligi past darajada bo`lsa, tug`ilish shuncha yuqori bo`ladi. Ayollarning ishlab chiqarishda bandligi farzand ko`rish oraliq davriga ta`sir etuvchi asosiy omillardandir. farzand ko`rish oraliq davrining uzayishi ayol sog`ligini tiklashda muhim ahamiyat kasb etadi. Chunki, farzand tug`ilganidan so`ng uni parvarishlash va voyaga etkazish ayolga juda katta ma`suliyat yuklaydi. Shuning uchun ham ayolning jamiyatda tutgan o`rni yuqorida aytilgan fikrlarni yanada yaqqol isbotlaydi.

- Mamlakatning urbanizatsiya darajasi. Urbanizatsiya aholi tarkibida shahar aholisi tarmog`ining oshishidir. Shahar va qishloq aholisining turmush tarzi o`ziga xos xususiyatlarga ega. Shahar aholisi qishloq aholisiga qaraganda

kam farzandli bo'ladi, buning asosiy sababi shundaki. Qishloqda azaldan bolalar mehnatidan foydalanib kelingan, shuningdek, qishloq aholisining turmush tarzi ham ko'p bolalilikni taqozo etadi.

- Milliy ma'naviy qadriyatlar, dinning ta'siri. Milliy madaniy qadriyatlar ham tug'ilish jarayoniga ta'sir etuvchi asosiy omillardan hisoblanadi. Masalan: islom dini aholining ko'p farzandli bo'lishiga undaydi. Er yuzida yana turli dinlar borki, ular ham aholining ko'payishini e'tirof etadi. Shuningdek. Erta turmush qurish ko'p farzandli bo'lishga ta'sir etadi.

- Aholining milliy tarkibi. Aholining ko'payishiga ta'sir etuvchi asosiy omillardandir. Ayrim millatlarning mentaleti ko'p farzandli bo'lishiga, ayrimlarniki esa, kam farzandli bo'lishiga xosligini kuzatish mumkin. Masalan: o'zbek, tojik millat vakillari O'rta Osiyodagi ko'p farzandlilikni maq'ullaydigan millatlardan biri hisoblanadi. Evropa va rus millatiga mansublar esa, kamfarzandlilikni o'zlariga ma'qul deb biladilar.

Aholi tarkibidagi yoshlar ya'ni (16-19, 20-29) salmog'ining yuqoriligi tug'ilish kabi demografik jarayonlarga ijobiy ta'sir ko'rsatadi. Ayni paytda tugilish yuqori bo'lgan hududlarda yoshlarni salmog'i ham yuqori bo'ladi. Aksincha, tug'ilish darajasi past bo'lgan hollarda aholi tarkibida qariyalarning salmog'i yuqori bo'ladi. Demografik nuqtai nazardan yondashganda aholining bugungi yosh tarkibi kechagi aholi takror barpo bo'lishining natijasi va kelajakdagi demografik rivojlanishining asosi bo'lib hizmat qiladi.

#### **Adabiyotlar ro'yxati:**

1. Demografik muammolar T., 2003.
2. Bo'rieva M.R. Demografiya asoslari. Toshkent 2000.
3. Holmatova M, Murodova N, Yoshlar oilaviy xayot busag'asida .Toshkent 2000.
3. Аҳолишунослик ва тараққиётни тушунган ҳолда кўмаклашиш. Бирлашган Миллатлар Ташкилотининг Аҳолишунослик бўйича

жамғармаси (UNFPA). Интернет-сайт: [www.unfpa.uz](http://www.unfpa.uz).

4. Тожиева З. Н. Ўзбекистон аҳолиси: ўсиши ва жойланиши (1989-2009 йй.). Илмий монография. – Т.: «Fan va texnologiya».

4.file:///C:/Users/ASUS/Downloads/YO'TA0301.pd